



Inatsisartunut ilaasortaq  
Doris Jakobsen Jensen  
/Maani

## **Feeriaqarnerstiutit pillugit § 37 naapertorlugu apeqqummut akissut (193-2022)**

Asasara Doris Jakobsen Jensen

Feeriaqarnerstiutit tiguneqanngitsut pillugit apeqqummut nassiunneqartunut qujanaq. Apeqqummut qallunaatut kalaallisullu allassimanerini ataasiakkaatigut assigiinngissuteqarput. Apeqqummut tunngavilersuutitit aallaavigalugit kalaallisut allassimaneera aallaavigaakka.

Brevdato: 14-10-2022  
Sagsnr. 2022 - 20279  
Akt id. 21443218

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

### **1. Ukiuni kingullerni tallimani immikkoortillugit 2017, 2018, 2019, 2020, 2021 sulinngiffeqarnermi aningaasarsiassat inuttaaannik tiguneqanngitsut qanoq amerlatigippat?**

Feeriarnersiutit tiguneqanngitsunik tamanik isigininneq pineqarpat uku eqqumaffigineqassapput:

Feeriarnersiutit Feriarneq pillugu Inatsisartut inatsisaanni nr. 10, 12. november 2001-imeersumi malittarisassiuunneqarput. Tassani allaqqavoq feeriarnersiuteqarluni sulinngiffeqaraanni ukiup katersuiviusup kingorna akilerneqarsinnaasut. Akissarsiallip taamaalilluni feeriarnersiutit katersisimanini sulisitsisumut uppersarsassavaa. Akissarsialik suliffeqarfimmi sulinngiffeqarfiusumi sulinngiffeqarnissamut katersisimappat, sulisitsisup sulinngiffeqarnissaq akuerippagu uppersarsaanissaq ingerlaannaq atuuttarpoq.

Akissarsialik sulinngiffeqarnissamik sulisitsisumi ataatsimi katersisimappat sulisitsisumilu allami sulinngiffeqarluni akissarsiallip siusinnerusukkut sulisitsisorinikuusani attavigissavaa qulaaniittullu naapertorlugit sulinngiffeqarnissani uppersarsarlugu. Tamassuma kingorna qanoq siviutigisumik sulinngiffeqarneq apeqqummut feeriarnersiutit akilerneqassapput. Ukiup sulinngiffeqarfiusinnaasup naanerata kingorna, ukiut tallimat qaangiunneranni feeriarnersiuteqarnissamik piomasqaateqartoqarsinnaavoq. Tassa feeriarnersiutit 2017-imit 2023 ilanngullugu katersorneqarsimappata feeriarnersiuteqarnissamik piomasqaateqartoqarsinnaavoq. Feeriarnersiutit tamatumani kingorna pisoqalissapput.

Naalakkersuisut sulinngiffeqarnermut aningaasaateqarfimmut isumaqatigiissuteqarsimatillugit pisortani feeriarnersiutit tiguneqanngitsut ukiup sulinngiffeqarfiusup kingorna aningaasaateqarfimmut nuunneqassapput. Taamatut pisoqartarnera feriarneq pillugu inatsimmut oqaaseqaatini sukumiinerusumik allaaserineqarpoq. SIK-mut aamma NPK-mut taamatut pisoqartarnera pillugu maannakkut marlunnik isumaqatigiissuteqarpoq. Taamaalilluni aningaasaateqarfiit taakku SIK-mut aamma NPK-mut isumaqatigiissutit naapertorlugit akissarsiallit

feeriarnersiutaannik tiguneqanngitsunik pissarsiaqartarput. Feeriarnersiutit akilerneqarnissaat akissarsialimmik piomasaaqatigineqarpat, aningaasaateqarfiit ukiut tallimat qulaani taaneqartut iluanni taakku akilissavaat.

Feeriarnersisutit sinneruttut Namminersorlutik Oqartussani pisortani sulisitsisuniissapput. Feeriarnersiutit pisoqalinikut ukiup katersuiviusup kingorna ukiut arfinillit qaangiunneranni piomasaaqateqartoqartinnagu akilerneqassapput. Sulisitsisut feeriarnersiutit pisut ilaanni akilinngitsoorsinnaavaat – assersuutigalugu akissarsiallip najukkamut sumut nuussimanerata ilisimaneqannginnera pissutigalugu. Taamatut pisoqarnerani feeriarnersiutit sulisitsisup aningaasaateqarfiilluunniit qulaani taaneqartut pissavaat.

*Feeriarnersiutininik Namminersorlutik Oqartussani atorfeqarneq tunngavigalugu piffissami 2016-imit 2020-mut katersorneqartunik aaneqanngitsunik nalunaarsuiffik (1.9.2022-mi)<sup>1</sup>*

<b>Ukioq katersuiviusoq</b>	<b>Feeriarnersiutit aaneqanngitsut (kr.)</b>
2016	123.298
2017	2.554.711
2018	1.914.045
2019	2.284.714
2020	3.382.170

Feeriarnersiutit 2016-imi maannamut katersorneqartut suli pisoqalinngillat. Taamaammat akissarsiallit feeriarnersiutit tiguneqanngitsut tabelimi qulaaniittumi allaqqasut suli piomasarisinnaavaat.

Soorlu qulaani allaqqasoq kikkut pisortani sulisitsisuni sulinngiffeqarnermullu aningaasaateqarfinni feeriarnersiutininik pissarsisimanersut pillugit paasissutissat uninngatinneqartarput. Naalakkersuisut tamanna tunngavigalugu inuit feeriarnersiutininik pissarsisimangitsut qanoq amerlatiginersut erseqqissumik paasissutissiissutigisinnaangilaat.

## **2. Sulinngiffeqarnermi aningaasarsiassanik tigusinngitsoortarneq qaangerniarlugu Naalakkersuisut pilersaaruteqarnerisut?**

Aningaasaqarnermut Sulisoqarnermullu Aqutsisoqarfik (ASA) Namminersorlutik Oqartussani feeriarnersiutit tunniunneqarsinnaangitsut pillugit paasissutissiivoq:

*"Akissarsiaqartoq feeriarnersiutit pisoqalinnginneranni akilerneqarnissaannik aallaaviusumik qinnuiviginnittussaataavoq. ASA-li feeriarnersiutit tiguneqanngitsut pillugit sulisorinikuusanut feriarneq pillugu inatsimmi tamanna pillugu aalajangersakkat naapertorlugit paasissutissiiniartarpoq. Kisiannili sulisorinikuusat sumi najugaqarnerannik paasissutissanik pissarsinissamik ilaatigut ajortorsiuteqartoqartarpoq, pingaartumik kontonormu pissarsiarineqarsinnaatinnagu. Tamassumunnga pissutaavoq ASA-p inunnik nalunaarsuiffimmut toqqaannartumik attaveqannginnera. Tamanna tunngavigalugu*

<sup>1</sup> Ukioq katersuiviusoq 2021 ilanngunneqanngilaq, tassa 2022 suli naammassinikuunngimmat. Taamaammat feeriarnersiutit 2021-mi katersorneqartut akilerneqarnissaallu suli piomasaaqatigineqanngitsut tiguneqarsimangitsutut nalunaarsorneqarsinnaangilaq.

*Inussuk IT (pisortat ataatsimut IT-qarfiat)<sup>2</sup>suleqatigalugu aaqqiissutissap qulakkeerneqarnissaa maannakkut sulissutigineqarpoq*

Illassutigineqarsinnaavoq suliniutit soorlu NemKontop nalinginnaasumik atorineqaleriartorneranni feeriarnerisutitik tunniunneqarsinnaanngitsumik ajornartorsiutip annikillinissaa ilimagineqarsinnaasoq.

Apeqqummut tamassuma saniatigut oqaaseqaatissaqanngilanga.

Inussiarnersumik inuulluaqqusillunga



Naaja H. Nathanielsen

---

<sup>2</sup> Aaqqiissummili tassani sulisorinikuusanut Kalaallit Nunaanni Danmarkimiluunniit najugaqarunnaarnikunut attaveqarnissamut paasissutissat pissarsiarineqarsinnaanngillat.